



# Branch YMA Zaipawl intihsiak dawn

Chanmari West:15<sup>th</sup> May: Ni 30.4.2013 (Thawhle) zana Pu Lalramhluna Hauhnar ina Branch Executive Meeting chuan August Ni 13-15, 2013 chhunga Branch YMA Zaipawl intihsiakna a buatsaih Central YMA aṅanga sawmna kan hmuh angin tel ve ngei nise a ti a, hma lo la turin Zaipawl enkawltute ruat an ni.

Ni 30.5.2013 zana Branch Exeutive Meeting hian Ram leh Hnam Humhalhna kawnga Branch YMA hmalakna tur pawimawh tak tak an rel. Central YMA ngenna angin Branch huam chhunga hnam dang mi, Mizo hming hawha sumdawngte tihawp dan tur leh phalna nei lova hnam dang mi awmte chu in luahtir loh tur tih chu Kumpulan Sub-Committee te hmalakna atan dah a ni. Hnam dang mi, dan lova sumdawng leh an sumdawn dan report hi June ni 15 ral hmaa Central YMA-a thehluh theih tura hmalak tum a ni.

August ni 13-15, 2013 chhunga Central YMA-in Pu Rokunga hlate hmanga Branch YMA Zaipawl intihsiakna a buatsaih turah Central YMA aṅangin sawmna hmuh a ni a, Branch Committee chuan ngun taka a ngaihtuah hnuin he inelnaah hian tel ve ngei ni se a ti a, hma lo la turin Branch YMA Zaipawl enkawltute a ruat nghal.

Central YMA-in Ram leh Hnam Humhalh Kum a puan ang ngeiin he lam kawnga hmalakna chu chak taka kalpui zel tum a ni a. Rangvamual leh Phunchawng vela hnam dang (foreigner) dap chhuah leh a ṅul huna operation

neih turah kan Branch aṅanga mi 20 aia tlem lo tel tura Central YMA-in min hriattirna chu tihhlawhtlin ngei nise meeting chuan a ti a. Branch OB, Branch Executive member, Section tin Secretary bakah tel thei tur awmte Branch Secretary-in lo ruat se tih a ni.

Kum 2013 YMA General Conference Khawbunga neih turah Central YMA hruaitu thlanna neih a ni dawn a, he inthlanah hian Branch YMA aṅangin nomination neih ve ngei nise meeting chuan a ti.

Veng chhunga ui leh ar khuahkhirh loh a tam lutuk chu Branch YMA chuan a ngaimawh hle a. Local Council-in ranvulh khuahkhirhna dan a kalpui reng chung pawha ziaawm lam a pan hleih theih loh avangin YMA hminga hma la thei turin Local Council-ah phalna dil mai nise meeting hian a ti.

Central YMA ngenna angin theih tawpa veng chhung faina tura hma lak nise tih a ni a, faina kawnga hma la tur hian section tinte'n ṅanlak ṅheuh nise tih a ni bawk.

Veng chhunga mi harsa in sak ṅhatsak tura ṅanpuina petute chungah Branch YMA chuan lawmthu a sawi.

## Branch News

☺ Ni 30.4.2013 (Thawhle) zan khan Branch Executive Meeting neih a ni.

☺ Ni 29.4.2013 (Thawṅtan) a CEC Meeting-ah Vice President Pu T Ngurkhuma a tel.

☺ Vice President Pu T Ngurkhuma Agriculture Extension Officer (AEO) a kaisang chu an lawmpui hle, Serchhip-a awm tura tih a ni.

☺ Executive Member Pu K Lalṅhaka kima damsam lo chu a dam leh thuai an duh.

☺ Executive Member Dr. Lalramliana eizawna thil avangin Silchar-ah a thang mek.

☺ Executive Member Pu TC Lalhmangaih chu Ninganni khan Buichali lei bulah a Gypsy khallhail leh Truckinsu in, vanneihthlak takin hlham a tuar lo hlauh va, a motor erawh a chhe nual.

☺ Chanmari West Congress Unit II chuan Hmeithai In sak sakna turin ₹ 10000 Branch YMA-ah an rawn pe a, Branch YMA in lawmthu a sawi.

☺ Ni 3.4.2013 (Zirtawp) khan Branch hruaituten Bialtu MLA hmuin Silver Jubilee atana inhlawhna tur leh ṅuldang mamawhte an thlen.

☺ Adviser Pu A Biaklawma Office Duty-a Champhaia zin pawh a lo haw leh ta.

☺ Thlanmual Tui Connection lakna tur leh Cluster dah theih nana hmalaksaktu Councilor Pi Zamanthangi chungah Branch YMA in lawmthu an sawi.

☺ Ni 3.5.2013 zan khan veng chhungah ILP nei lo dapchhuah hnattlang neih leh a ni a, ILP nei lo, mi pali Vaivakawn PS-ah hlan an ni.

## ROLL TRANSFER LEH THUN THAR TURTE HRIAT TUR

Chanmari West vengchhunga cheng Electoral Roll- Transfer dil tur leh Roll-a thun thar tum ten YMA hriatpuina lak dawnin mahni ngei emaw chhungte a nih loh chuan midang thawn lo tura hriattir kan ni. YMA Census-a hming chuang lo emaw YMA Pem lehkha dik tak nei lote chu YMA hriatpuina pek chhuah theih an ni lo.



TUNKAR CHANGVAWN

Dik taka chhangtu chu ṅhian ṅha a ni. Thufingte 24:27

### Editorial Board

<b>Editor:</b>	R Lalringheta	9862358337
<b>Joint Editor :</b>	Lalchhandama	9862358347
	J Lalnangliana	9862399658
<b>News Editor :</b>	Thangkuma	9862303135
	Lalchuanmawia	9862580558
	K Lalremtuanga	9862119608
<b>Cir. Manager :</b>	Jacob Lalrinsanga	9612319779
<b>Production Manager :</b>	T Ngurkhuma	9436190843

### Branch Office Bearer

<b>President</b>	<i>C. Lalzarliana</i>	9436142049
<b>Vice President</b>	<i>T Ngurkhuma</i>	9436190843
<b>Secretary</b>	<i>Zairemmawia</i>	9862385654
<b>Asst. Secretary</b>	<i>RL Thanhnuna</i>	9436152760
<b>Treasurer</b>	<i>R. Lalhmachhuana</i>	9436151817
<b>Fin. Secretary</b>	<i>K Darthantluanga</i>	9436196071
<b>Adviser-te :</b>	<i>Pu F Zosanga</i>	9436142106
	<i>Pu A Biaklawma</i>	9436363169
	<i>Pu Lalrengpuia Sailo</i>	9862075614

### Editorial :

Tunlai hian kan veng chhung hmasawna tura hmalakna hrang hrangah, hna nasa taka thawk mek a ni a. Heng hna kan neih theihna tura hmalatute an fakawm hle mai. Kan vengin nasa taka hma kan sawn phah ngei pawh a rinawm.

Hetianga veng hmasawna tura hnathawh tur a lo awm hian a thawktute (he khawtlang mi hi kan nih ngai chuan) hian veng hmangaihna tak tak rilru kan put a pawimawh khawp mai. Hlawh hmuh nan leh a mawi chauh zawng lova, veng tana ro tling ngei tura kan thawh a tha khawp mai. Chuti ni lova, a hmu apiang maiina "Tu hna nge maw ni le?" tia an sawi zui tur leh an rel zui tura kan thawh mai chuan kan veng tan hian a pawh dawn si a.

Inkalpawhna (step) leh tuilunkawr tha hi khawtlang tan hian a pawh mawh em em mai si a. Chuvangin, rintlak, hmantlak leh ro tling ngei ni se, a lawm ber tur chu a thawktute zawk hi an ni leh fo.

Sum leh pai hlawkna hmuh tam tum lutuk avanga khawtlang demkai khawpa thawhchhiat mai hi kan tih loh tawp tur a ni. Tha taka kan thawh zawha kan hlawh tur awm tawh awm thei turin mi thiamte'n ruahmanna an siam a ni tih hriaiin, kan hlawh tur lam aiin kan hna that leh that loh hi i ngaihtuah hmasa thin ang u. "Sum tam tak aiin hmingt hat hi thlan zawk tur a ni" tih ziak a ni si a. Biak In pawn lam, kan hnathawhna hmunahte hian ringtu kan nihna hi tilang fo ang u.

Pa Tluanga'n kan ngenna a rawn tihlawhtling a, thuziak tha tak mai kan nei thei a, kan va han lawm tehlu em!

Article:

## RAM LEH HNAM HUMHALH

- Sawm Sawmi Pu

Kan thupuih lut nghal mai loin, article buatsaih ve lemah a tawi lutuk hian hlawhchhamna chi khat nia ka hriat avangin thil dang ka'n zep lawk ang e.

YMA hna peng hrang hrang ka lo thlir ve \hin hian, kan chanvo chelh hreh ber leh hahtlak ni a ka hriat 'YMA AW' buatsaihtu nih hi a ni. Keia thinlungah chuan kumkhat chu sawi loh, kum chanve pawh hi a va rei dawn em. Kan Editor lo ni tawh zawng zawng leh a kul a taia 'YMAAW' buaipuitu te hi an fakawm ka ti thlawt a ni. *Zan sakei* an tawng hnem awm em mai.

Nia, heng mi fakawm te'na a hminga hruaitu han nih ve takah chuan article chhuah tur an haihchham changa kan phak tawh ang ang buatsaih tura min ngenna kum engemaw zat a liam takah chuan mualphopui ve hrim hrim turin amah Pu F. Vanlalchhuanga'n 'Lal Immanuela Ram zauh tur leh, A hming \ana do ve tur hian, mi fing leh remhriate'n an daih zo lo, kan kovah Lalpa'n a nghat ta' tih dung thulin 'YMA AW' enkawltute ngenna ka'n han chhang ve dawn ta a nih hi.

Ka chhanna tur lah thupui neisa lehngal a ni a, a thlum zawng (request) ni lovin a khal lam thupek (instructions) zawngin kan ram leh hnam mamawh 'HUMHALH' chu in sawi dawn teh ang hmiang.

Tun \umah chuan han ti khanglang ila (a dang a awm tawh loh erawh ka hlau hle). Hnam anga chimral kan nih loh nan YMA member, nu leh pa, Pawlin kan tih leh tih loh tur lam hawiin bul han \an ila.

Ram leh Hnam Humhalh hi YMA khawmpuilianin vawi-7 ngawt mai YMA Kumpulan atan kan neih tawh hnuah YMA General Conference, 2012 **HACHHEK RUN** a neih chuan Ram leh Hnam humhalh bawh a thlan leh tak avangin Zofate min hmangaih a, hnam anga min din chhuaktu kan Pathian hian chimrala kan awm hi remti lovin min hriih lawk (warning) a ni ngei ang. Hetiang taka pawimawh a nih avang hian kan hruaitute pawhin Branch anga hmalak kan thiam theih nan kaihhruaina \ha tak duang chhuakin chumi zulzui

chuan Thusawmpek ang hrimin Branch level leh member tin leh nu leh pa te u, heng hi in thinlunga in vawna kan Ram a dam zel nana ke lo pen turin ka'n sawm che u a ni.

### HNAM ANGA CHIMRAL (POPULATION ASSIMILATION) KAN NIH LOH NAN :

**1. In Luah tir:** Foreigner, dan lova lo lut te kan dan ve theihna kawng khat chu kan kawm tlangnel loh leh kan in luahtir loh hi a ni. Amaherawhchu, kan diriam kher erawh a \ul lo ang chu. Dan lo va kan vengchhung a hnamdang awmte kan hmun lo ram luahtir mek kan awm a nih chuan chhuah tir mai hi Ram tan a \ha.

**2. Sumdawna thilah:** Hnamdang sumdawngte a theih hram chuan dawr loh ngam leh dan lova sumdawng, hnamdang ngat phei chu dawr loh hrim hrim nise. Mizoram khawpui pakhat - Champhaiah chuan hnamdang sumdawng an awm nghet thei lo an ti a, a tak pawh a ni awm e. Mi vengin an theih chuan kan thei ve chiang a ni.

**3. Dawr vei vak:** Dan lova khawlaia hnamdang thil zuar veivak \hinte, duat taka dan lo bawka an thil zawrhte **pawl peka tlaka** leisak \hin te pawh a \ha ang em ? an tlangnel zel loh nan.

**4. Ram/In hralh:** Hnamdang hnenah kan Ram leh In hlu takte hi, hlawk zawk pawh nise hralh loh hi kan ram humhalhna a ni.

**Chawngbawla Section**

❑ Section Bungraw in Chawngbawla Run siamthat nan Section nu leh pate hnenah ngenna Circular sem a ni, Section hruaitu te'n ni 15.5.13 (nilai) hian an rawn ngaihven leh dawn a, section nu leh pate lo hriatsak turin an ngen.

❑ An Committee Member Pu B Lalrawngbawla Kolkata lama inentir pawh dam takin a lo haw leh ta a, a dam that zel an duhsak.

❑ Thawhleleh zan hian Section Committee neih tum a ni a, Committee Member te hunawl lo insiam nise.

❑ Section Sport Ni 3.5.13 (inrinni) a neih tur ruahman chu rokhawl hna dang a awm avangin thulh a ni, hun remchang hmasa ber neih tum a ni.

❑ Tv Joseph Lalmalsawma chu Section committee member an ruat thar.

❑ Section chhunga HSSLC pass thar zawng zawng te an lawmpui hle.

**Khuangchera Section**

❑ Thawhleleh, Nilai leh Ninga zan te khan leivung paih leh lung thiara hnatlang neih a ni a, hnatlanga thawkhhuakte chungah lawmthu an sawi a. Inhlawhna siamsaktu Pu H Lalhruaia leh Pu Billy Lalrinchhana te chungah lawmthu an sawi baw. Tin, ei leh in tum saktu Pu Lalremliana te chungah an lawm hle.

❑ An leivung paih mek la zawh loh chu hun remchang hmasa berah hnatlanga chhonzawm leh thuai an tum. Hna thawh tur a hautak deuh avangin member-te tlawmngaia thawkhhuak theuh turin an inhriattir.

❑ Section hruaitu lo ni tawh thin Pu Lalrinmawia s/o Thanzauva, Zonuam in vanduaia tawka a boral ta chu an uin, a kalsan tak a chhungte an tawrhpu hle.

**Neuva Section**

❑ Ni 7.5.2013 (Thawhleleh) zan hian Committee koh tum a ni.

❑ Leader's Directory siama hma lak mek a ni a, member-te hnatlang neih hunah chhuak theuh turin an in chah.

❑ Pu Thanzauva, a fapa Lalrinmawia Zonuama ami in a boralsan chu a kalsan tak a chhungte an tawrhpu hle.

❑ Pasaltha Neuva In kawt (Turning Point) a luikawr siamna tur

bungrua dahna tur dala a Motor dah thinte, hna thawh chhunga Motor lo dahsawn tura Local Council leh Section YMA ten an ngenna zawm duh miah lova MZ-04 4912 (Bolero Var) a la ding reng mai chu tha an ti lo hle mai a, a rang lama dahsawn turin an ngen nawn leh.

**Taitesena Section**

❑ Year Plan-a an neih angin MEMBER TLAWHCHHUAH na hun an nei mek a, member ten an hlawkpui ngei an beisei. Member tlawhchhuah hi remchangah neih leh tum a ni

❑ Kar leh hun remchangah section committee neih tum a ni a hruaitute an in hriattir a ni e

❑ Section huam chhunga HSLC leh HSSLC pass thar zawng zawngte an lawmpui takzet a ni

❑ Ni 9 May 2013 (Ninga) zan dar 7 hian Pu C. Sangkhuma te inchung zawlah NU LEH PA NITE hman tum a ni a. In tin atangin Chhengkaw Nu emaw Pa tel ngei turin an in hriattir.

❑ Chhungtin te Faina lamah tan la leh zual turin an inngen.

**Vanapa Section**

❑ Section committee member atan Ni Irene Fanai an ruat thar.

❑ Ni 2.5.2013 (Ninga) zan khan Pu R Ramlawma inah section committee an thu a, hmalakna tur pawimawh tak tak an rel.

❑ Ni 4.5.2013 (Inrinni) khan Vantlang Zun In siam te, Buk chei that te, Garage sak hna te thawkin hnatlang an nei.

❑ Section chhunga HSSLC pass thar zawng zawng te an lawmpui hle.

**KEIMAHNI**

❑ YMA AW Production Manager Pu T Ngurkhuma chu a hnathawhnaah a kaisang a, kan lawmpui hle.

❑ Ni 3.5.2013 (Zirtawp) kha kan News Editor Tv T-a Birthday a ni a, YMA AW chhutnaah a rawn lang lo, khawi lamah nge a Birthday hi a lawm kan hriatpui lo.

❑ Joint Editor Pu Nanga a rawn lang lo tlat mai, kan va ngai em!

❑ Pu Faka, Pu Rinpuia, Tv/Pu Mahruaia leh LC Pu LSA te'n min tawiaawm a, kan lawm hle.

**IGNOU ADMISSION**

Central YMA hnuiaia IGNOU Special Study Centre-ah Bachelor Preparatory Programme (BPP) leh Certificate in Disaster Management (CDM) te a zir theih a, May thla chhungin admission tih tur a ni a, zir duhte chuan a ranglama ngaihven tur a ni e.

Course	BPP	CDM
Duration	thla 6	thla 6
Adm. Fee	₹1200	₹1900

Zir thei chin

BPP-India khua leh tui, kum 18 tling chin

CDM- 10+2 emaw a tlukpui pass tan

Admission fee hi hmuhlet leh vek theih a ni a, lehkhabu a thlawna dawn a ni baw. Hrechiang duh tan Central YMA Office-ah emaw, Coordinator Dr C Lalthlengliana (Mob.no-9612163379)-ah zawhfiah theih a ni e.

**BRANCH YMA ZAIPAWL**

Vawiin (Ni 5.5.2013) chawhnu inkhawm ban (Dar 3:00)-ah hian Convener, Conductor leh OB In charge-te Pu RK Ramherliana in (V-sect) ah inhmukkhawm tur a ni a, thu pawimawh tak ngaihtuah tur a awm avangin kal vek tura hriattir kan ni e.

**ZAWLBUK GARRAGE**

Zawlbuk Garrage-a motor dahna hmunah hian phalna neia dah tura Branch YMA-in a tihte chauhin motor dah thin tur a ni a, phalna nei lote chu dah tawh lo turin Branch YMA-in a hriattir.

**NGAIHTUAH TLANG ANGU**

1 YMA AW-ah vawi tam tak, chulai khalai hmuna ruihhlo ti thinte chu ti tawh lo turin an ngen tih kan chhiar a, kan ngenna hian awmzia a nei lo nge? Engtia hmalak zel chi nge?

2 Motor dahna (Parking) chungchanga kan harsatna hi siam that dan chu a awm lo maw? Thuawih loh vanga he harsatna hi lo awm a ni thin em?

3 YMA Park vela tleirawlte khawsak dan sawiselna pawh hi a zing ta malh malh e, engtin nge hma kan lak zel dawn?

4 Veng chhunga ruihhlo zawrh leh tih lo hluar zelah hian YMA member-te hian mawh kan phur.

**HSSLC PASS THARTE  
CHAWNGBAWLA SECTION**

No	Hming	Pa/Nu Hming	Div	Subject
1.	Vanlalhruaii Kiangte	K Lalṭhakima	I	Science
2.	Israel Zoramthara	Lalramliana	I	Voc.
3.	KLalnunpuia	K Darhmingthanga	II	Science
4.	Lalrinfela	Lalmuanchung	III	Arts
5.	Malsawmtluanga	Lalrawngbawla Ralte	II	Science
6.	F Lalruatmawia	F Tlangliana	III	Arts
7.	Lalrinhlui	Lalbiaktluanga	II	Home Sc.
8.	Vanlaldiki	Lalromawia	II	Arts
9.	K Lalnunhlui	Lalthanliana	III	

**VANAPA SECTION**

1.	Vanlalmawipuii	H Zaithanzama	II	Arts
2.	Lalrochami	Rohmingthanga	II	Science
3.	Lalrempuia	Ziaksanga	III	Arts
4.	Lalsangkimi	H Lalrammawia	III	Arts

**KHUANGCHERA SECTION**

1.	Lallawmzuala	HV Lalṭhavela	III	Arts
2.	Esther Tlanghmingthangi	K Laldawngkima	III	Arts
3.	Khawpuimawia	Jeho Lalhumhima	III	Arts
4.	Mercy Zaithanpuui	C Lalthlamuana	II	Arts
5.	Lalchhanchhuaha	C Lalrinkima	III	Arts
6.	Lalduhawma	R Lalrinsanga	II	Science
7.	Zonunpuui	Lalchharliani	III	Arts
8.	Lalmuanpuui	F Zosanga	II	Arts
9.	Albert Lalmuansanga	H Vanlalsanga	II	Arts
10.	Lalmuanawmi	Ropara	II	Arts

**NEUVA SECTION**

1.	Israel Lalrochama	Lalthanhliara	I	
2.	Vanlalchungi	Lalremruata	I	
3.	Jenny VL Dinpuui	T Lalthansangi	II	
4.	Samuel Lalchhandama	F Lalrinzuala (L)	III	
5.	Lalringliana	Lalṭhakima Ralte	III	
6.	KLalrinliana	K Thangkhuma	III	
7.	Alfred Lalmalsawma	Dawngṭhakima	III	
8.	Melody C Lalhruaitluangi	C Lalengzuala	III	
9.	Zomuanpuia	H Suana	II	

**ZOFA**

Hnam Lam zir runpuui kalpui mek a ni a, Lam zir nana Indoor Stadium hmantirtu Indoor Stadium Management Committee chungah lawmthu an sawi.

**The Good Life**

**Kitchenware Multibrand Showroom  
CHANMARI, Aizawl**

Ei leh in siamna, chhumna, chhawpna & vawn \hatna :

Corelle, Treo, Nirlep, Milton, Clay Craft, Roxx, Signoraware & Company rintlak dangte siam : melamine, plastics, bone china, ceramics, glass, non-stick & stainless steel -

Microwave oven, induction cooker, mixer, juicer, grinder, thleng, no, fian, bel leh bawm, man tlawm ber a\anga changkang ber thlengin kan zuar e.

*Duh anga ṭha, rin aia tlawm!*

The Good Life, Opp: HB College, Chanmari Kawn, Ph: 2346826

**CVTTP**

□ Ni 7.5.2013 (Thawhle) zan hian Executive Committee koh a ni a, member-te he hun hi ngai pawimawh turin an inchah.

□ Lekhhabu thar 30 lei a ni a, "Duhaisami Tuallenna" tih lekhhabu chu Pi Rochhingpuui, T-sect in Library a dah turin a pe bawk a, an lawm hle.

**BPL HRUAITU**

Ni 3.5.2013 (Zirtawp) zan khan Pu F Zosanga, Chairman Local Council kaihruaiin Chanmari West Middle School-ah kum 2013 chhung atana hruiatu an thlang. Chung mite chu

Chairman - Pu TS Luaia  
V. Chairman- Pu K Thanzauva  
Secretary - Ni Lalrindiki Ralte  
Asst Secy - Pu Lalkrawsthang  
Treasurer - Pi R Lalchhandami  
Fin. Secy - Pu PC Lalrochhara

**CWSC**

□ Ni 10.5.2013 (Zirtawp) zan dar 7:00 hian TT Hall, Indoor Stadium-ah kum 2013 - 2014 hruiatu thlanna neih tur a ni a, Veng chhunga infiamna ngainatute inthlanna kal vek turin an sawm.

□ Pu Lalchhandama Ralte chuan MPL Playoff khel tura an inbuatsaih nan ₹ 1000 lai mai a pe a, an lawm hle.

□ Tunkar hun remchangah Football Management Committee koh tum a ni.

□ Mizoram Premier League Playoff khel turin an inbuatsaih mek, hruiatu remchangte tawiawm thin turin an insawm.

**MHIP**

□ Ni 2.5.13 Ningani zan khan Branch Executive Committee an nei

□ MHIP en kawl Centre Pathumte pawh kalpui chhoh zel a ni a, Anganwadi Centre-IV pawh Registration tih mek a ni. Tailoring leh Handloom Traineing Centre pawh kum 2013 Batch ṭan a ni tawh a. Handloom Training duh tan Seat tlem a la awm, Training duh chuan a ranglama Secretary hnenah in hriattir tur a ni. Naupuak puan leh puan lei duh tan Pi Vanlalmawii hnenah ngaihven theih a ni.

□ Ni 30.4.2013 (thawhle) khan Chanmari YMA Hall-a Anganwadi kalphung inzirtirna neihah Anganwadi Centre-IV Co-ordination aṭangin Pi Vanlalmawii leh worker-te an kal.

**Free Admission / Free Monthly Fee for Class X (MBSE Course)  
Aizawl West Academy, Dawrpui Vengthar.**

**Class X** tan Morning Class hawn mek a ni

**Admission Fee: Free Regd. ₹100** ken tur

**Monthly Fee : Free**

*Saturday apiangin subject 2 test tur a ni a, Test Fee a awm ang.* Naupang ti ṭha tan kum tawpa lak turin stipend siam a ni ang

Class timing: 6:00AM - 8:15AM (X-XII)

**Class XI-XII (Arts) admission hawn mek a ni bawk.** Admn/Monthly Fee chawi a ngai. Scholarship a awm. (Education, Pol.Sc., PA, Geog, History, Sociology, Hindi, English, Mizo)

**Contact: 8974437446/9862365768**

(2-2)